



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1729. usque ad annum 1731

**Fleury, Claude**

**August. Vind. [u.a.], 1785**

**VD18 13322648**

§. 41. Principes atque Illustres hoc anno defuncti.

---

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Bohemia S. Joannis Nepomuceni Metro-  
 politanæ Ecclesiæ Canonici, qui frustra  
 tentatus, ut sigilli Sacramentalis fidem  
 proderet, in flumen Moldavam dejectus,  
 Martyrii palmam emeruit.

Sæc. XVIII.  
 A. C. 1729.

§. XLI.

*Principes atque Illustres hoc anno  
 denati.*

Inter Principes Ecclesiasticos hoc anno  
 defunctos ingens sui desiderium re-  
 liquit Christophorus Franciscus Herbi-  
 polensis Episcopus, qui Anno 1673. ex  
 illustri & perantiqua Huttenorum gente  
 ortus, Majorum suorum decora sibi  
 propria fecit. Elegantiores literas  
 velut gradus ad altiora enitenti neces-  
 sarios a prima juventute imbibit, ex-  
 coluit, protexit. Postea in ornatissi-  
 mam Lotharii Francisci Archiepiscopi  
 & Electoris Moguntini aulam accitus  
 virtutum omnium præclara exempla  
 suspexit, ac presse imitatus est, am-  
 plosque fructus ex variis itineribus re-  
 portavit, quos ætate matura in lega-  
 tionibus, aliisque perhonorificis Offi-  
 ciis publicæ utilitati, & Ecclesiæ bono  
 impendit; latinæ insuper, Gallicæ,  
 Italicæ & Hispanicæ linguæ peritissi-  
 mus lectioni utilium librorum horas,  
 quas paucas habebat, subsceivas sacra-  
 vit,

**Ætate XVIII.** vit, atque usui profutura in commen-  
**A.C. 1729.** tarios retulit, qui adhuc in pluribus  
 voluminibus ipsius manu exaratis asser-  
 vantur. Canonicis Herbipolensis Ec-  
 clesiæ aggregatus Majores suos cultu  
 supremi Numinis ferventissimo, ni su-  
 peravit, saltem æquavit. Ejusdem  
 tandem Ecclesiæ Decanum tot meritis  
 ac virtutibus inelytum Canonici Anno  
 1724. die quarta Octobris sibi in Epi-  
 scopum Ducemque crearunt: Hac dis-  
 gnitate clarus, Religionis incremento,  
 Republicæ utilitati, ac subditorum  
 commodis sedulo invigilavit, nec inter  
 postremas curas habuit, ut scientiæ,  
 artesque elegantiores indies magis flo-  
 rerent, & probæ juventutis institutioni  
 prospiceretur: eapropter rei literariæ,  
 Historiæ, Juris naturæ & gentium,  
 itemque juris publici doctrinam, nec  
 non algebrae atque analyseos præcepta  
 publice tradi jussit, æconomix quoque  
 Professorem, si fata sivistent, constitu-  
 rus. Præcipue tamen S. Carolum Bor-  
 romæum imitatus, in rerum Episcopa-  
 lium monumenta, necnon in Præde-  
 cessorum nomina, genus & gesta, in-  
 que patrias antiquitates inquisivit ipse,  
 & a celeberrimo Joanne Georgio ab  
 Eckhardt aliisque inquire curavit. At-  
 tamen plura & majora meditantem  
 invida mors repente catharo suffocativo  
 obru-

obrutum suæ Ecclesiæ, ac literario Sæc XVIII.  
 Orbi die vigesima quinta Martii eripuit, A. C. 1729.  
 non sine maximo omnium mærore:

Vixit nonnisi quinquaginta sex annos,  
 postquam Ecclesiæ ac Ducatui suo di-  
 gnissimus Præsul ac Princeps quinque  
 annis præfuit. Successorem habuit  
 Fridericum Carolum Comitem de  
 Schönborn Coadjutorem Bambergen-  
 sem, & Imperii Vice - Cancellarium,  
 qui die decima octava Maij electus die  
 trigesima Junii fidelitatis homagium a  
 suis recepit.

Celeberrimi hujus Episcopi obitum  
 præcesserat mors Lotharii Francisci  
 Comitis de Schönborn, Electoris Mo-  
 gutini, atque Bambergensis Episcopi.  
 Hic die quarta Octobris Anno 1655.  
 natus, ingenii acie, animi celsitudine,  
 magnanimitate, & oris majestate am-  
 plissimas, quæ de eo passim concipie-  
 bantur, spes superabat. Juvenis mo-  
 rum candore ingenii acie, eruditionis  
 ubertate, modestia & affabilitate amo-  
 rem atque omnium admirationem in  
 se rapiebat. Annum ætatis trigessimum  
 octavum egerat, cum inter Canonicos  
 Herbipolenses, Bambergenses & Mo-  
 gutinos cooptaretur. Die autem de-  
 cima sexta Octobris ad Episcopalem  
 clavum Bambergensem communi om-  
 nium suffragio & jubilo admotus, die  
 ter-

Sæc. XVIII. tertio Septembris Anno 1694. in Mo-  
 A. C. 1729. guntinum Coadjutorem & S. R. I.  
 Archi - Cancellarium eligebatur, &  
 sequenti anno mortuo Anselmo, Electori  
 atque Archiepiscopo Moguntino divi-  
 nis auspiciis successit. Ferventibus  
 belli tumultibus Imperio in pace Ris-  
 wicensi, Ultrajectina vero & Helveto-  
 Badensi tranquillitatem Europæ resti-  
 tuit, plurimos etiam labores pro Dei  
 gloria, avita Religione, & publica sa-  
 lute exantlavit. Colebatur a Leo-  
 poldo & Josepho Imperatoribus exte-  
 risque Principibus velut boni consilii,  
 pacisque Angelus; ejus enim opera  
 potissimum pax Carlovicensis inter Cæ-  
 saream & Turcam, necnon inter Bam-  
 bergenses, & Francorum Equites trans-  
 actio firmabatur, insuper adversus Ræ-  
 gotsum in Hungaria rebellem Leopoldo  
 armorum & militum suppetias trans-  
 misit, Carolo autem VI. Sponsam de-  
 dit Elisabetham Brunsvicensem Ducis-  
 sam, quæ Romanæ Ecclesiæ reddita  
 Anno 1707. die prima Maij Bambergæ  
 ab hoc Archiepiscopo sacram Synaxin re-  
 cepit, & biennio post ejusdem Avus  
 Antonius Ulricus Dux ad fidem Catho-  
 licam revocatus est. Nec domestici  
 decoris oblitus, Bambergæ magnifi-  
 cum Episcopale Palatium, & Pomers-  
 feldæ in Franconia arcem, Weissenstei-  
 nium

nium vocant, magnis sumptibus erexit, Sæc. XVIII.  
 necnon pro P.P. Capucinis Conventum A. C. 1729.  
 Höchstadii, & aliud Gösweinsteini  
 fundavit. Tanti Viri elogium Joannes  
 Ludevig paucis his verbis complexus  
 est: *Præst amatus Cæsari, gloriosus Pa-*  
*triæ, toti Imperio honoratus, & ut virtu-*  
*tibus omnibus maximus, ita sapientia Prin-*  
*ceps plane incomparabilis.* Tandem post  
 arduum triginta sex annorum Regimen  
 placidissima morte vitæ mortal's cur-  
 sum die trigesima Januarii anno ætatis  
 septuagesimo quinto consummavit. In  
 Bambergensi Episcopatu successit Pa-  
 truo suo Franciscus Georgius Comes  
 de Schönborn ex Fratre Nepos, jam  
 tum Præpositus Trevirensis, in Mo-  
 guntino autem Franciscus Ludovicus  
 Comes Palatinus.

Nec laicis Principibus hoc anno  
 mors pepercerat; die enim vigesima  
 septima Maij Leopoldus Josephus Ca-  
 rolus Lotharingæ Dux ex Eleonora  
 Maria Ferdinandi III. Imperatoris So-  
 rore natus ex cruento vomitu quinquagena-  
 rius decessit, postquam per triginta  
 duos annos suo Ducatui per pacem  
 Ryswicensem restituto laudabilissime  
 præerat, & ex Conjuge sua Elisabetha  
 Carolina Aurelianensi Ducissa quatuor  
 Filios, & novem Filias susceperat.  
 Pari ferme fato vivis ereptus erat die  
*Hist. Eccles. Tom. LXXIII.*      L      vige-

Sæc XVIII. vigesima octava Decembris Thomas  
 A. C. 1729. Emmanuel Sabaudia Dux Cæsarei exer-  
 citus supremus Mareschallus annos na-  
 tus nonnisi quadraginta tres: die autem  
 quarta Januarii Joannes Guilielmus  
 Saxo - Eisenachensis Dux ex apoplexia  
 anno ætatis sexagesimo tertio Eisen-  
 achii obiit, postquam ex quatuor uxori-  
 bus duodecim proles procreaverat.  
 Maximo etiam totius Palatino - Sula-  
 bacensis Domus mærore Conjugem  
 suam ad æternitatem die vigesima octava  
 Julii Ogersheimii prope Manheimium  
 secutus est Princeps Hæreditarius Jo-  
 sephus Carolus Emmanuel, nonnisi tri-  
 gesimo quinto ætatis suæ anno expleto  
 Reliquerat duntaxat tres Filias ex Eli-  
 sabetha Augusta Electoris Caroli Filia  
 susceptas. Solabatur mæstissimam Fa-  
 miliam Joannes Christianus defuncti  
 Frater, qui Theodorum quinque ab-  
 hinc annis in maximas spes progenit.  
 Præterea die duodecima Novembris  
 Tychopoli seu *Fortunæ oppido* mortali-  
 tatem exiit Philippus Ernestus Glück-  
 stadiensis Dux anno ætatis quadrage-  
 simo sexto. Præter hos obiere etiam  
 die decima septima Decembris Joannes  
 Ernestus Saalfeldensis Dux annos na-  
 tus septuaginta & unum: die vigesima  
 septima ejusdem Mensis Christina Ca-  
 rolina Onoldina Marchionissa expleto  
 trige-

trigesimo quinto ætatis anno, die de- Sæc. XVIII.  
 cima nona Aprilis Antonius Ferdinan- A. C. 1729.  
 dus Dux de Guastalla & Sabionetta,  
 vixerat annos quadraginta duos: die  
 duodecima Septembris Princeps ulti-  
 mus de Novellare: die duodecima Julii  
 Princeps Mutinensis, & die prima Fe-  
 bruarii Antonius Grimaldus de Mo-  
 naco Dux Valentinensis anno ætatis  
 septuagesimo primo: die secunda Junii  
 Laurentius de Almeida & Bombalinha  
 Angolensis Regni Gubernator, & die  
 sexta Decembris obiit octogenario ma-  
 jor Carolus Augustus de Goyon Comes  
 de Gace Rupellensis Gubernator &  
 Franciæ Marefcallus.

§. XLII.

*Scriptorum Religione Catholicorum  
 obitus & opera.*

His quosdam etiam ex Scriptoribus  
 Ecclesiasticis hoc anno defunctis  
 adjungere lubet: Hos inter plurimum  
 celebratur Petrus le Brun Oratorii Pres-  
 byter pietate ac eruditione clarissimus,  
 qui scripsit epistolas, quibus detexit  
 Philosophorum deliria circa virgam di-  
 vinatoriam, tractatum de comædiis  
 ad illum, qui eas defendit (\*), unacum  
 L 2 Hi-

(\*) Is erat P. Caffarus Theatinus, de quo  
 Cardinalis Quirinus in suis Comm. Lib. II.  
 cap. 2.